



21821

III

Mag. St. Dr.

P

*Jos. Gonzaga*

*Declos Jos. Ant. Mensura doloris.*

PANEG. et VITAE

Polon. Fol.

*N<sup>o</sup> 817.*







# MENSURA DOLORIS,

Ex Quantitate Magnorum de Republica & Ecclesia meritorū,  
*ILLUSTRISSIMI olim ac EXCELLENTISSIMI DNI,*

**D. JOSEPHI GONZAGÆ**

*MARCHIONIS IN MIROW*

**MYSZKOWSKI,**

CASTELLANI SANDOMIRIENSIS,

Academix Pinczoviensis Munificentissimi

FUNDATORIS;

**DESUMPTA.**

*& dum,*

Pijs Ejusdem Manibus

Justa Parentalia

In Ecclesia Szaniecensi PP. Cameldulensium Montis Coræ,

Indolente Magnorum Hospitum Coronâ

Perfolverentur;

*In memoriam Magni in Republica Senatoria & Fundatoria,*

Luci publicæ

è voto Academici Pinczoviensis Studij,

*Per*

**M. JOSEPHUM ANTONIUM**

**DE CLOS,**

In Alma Universitate Græcæ Philosophiæ Doctorem & Pro-  
fessorem, Collegam Minorem, interea Colonix Pinczov:

DIRECTOREM.

**PORRECTA.**

*Anno Domini 1751. Die 24. Mensis Maji.*

GRACOVIAE TYPIS UNIVERSITATIS.



In Avitum decus  
D O M Ū S  
C E L S I S S I M Æ.



Ad lætus veniunt Aquilæ, quæis Mantua nidus,  
Et Regni volucres, & cataphractus Eques.  
Gens non una Polum magnis ploratibus implet,  
Quod meritis magnus, MARCHIO fata subiit;  
Ast præter lacrymas, sumptu POGONIA parentat,  
Quod non sufficiat, funera flere docet.



CELSISSIMO PRINCIPI,  
ILLUSTRISSIMO  
&  
EXCELLENTISSIMO DOMINO,  
D. STANISLAO KOSTKA,  
DUCI IN KLEWAN, KOREC & OLEXIENIEC  
CZARTORYSKI,  
SUPREMO REGNI VENATORI,  
CAPITANEO RADOSZYCENSI.

**I**ugubrem paginam, quam inter Justa Illustrissimi  
olim Marchionis Magni in Polonia Senatoris, Fun-  
datoris & Mecœnatis sui Amplissimi Parentalia,  
publico pallentem merore, magisq. lacrymis persusam  
quàm sepiâ, dolentissimæ Academico Pinczovienses  
Musa, omnium retrò seculorum memoria, pro lucu-  
lento perennis suæ in Munificos Fundatores gratitudinis exhibuerunt argu-  
mento, ad Tuas imprimis defero manus PRINCEPS CELSISSIME, VE-  
NATOR ILLUSTRISIME. Suasit id mihi singularis Tua, & omni  
ævo pro exemplo proponenda pietas, qua Polonus Hector, Aeneâ Tuâ, Dux  
CZARTORYSCIUS MYSZKOVIO, Celissimus Nepos, Illustrissimo  
Avunculo Marchioni, sumptibus qui Te Principem decet, funebralî  
pompa, quæ Marchioni debetur justâ persolvit Parentalia. Exigebat id  
ille proximus sanguinis nexus, & intima per Celissimam Ducissam HE-  
LENAM dilectissimam olim defuncti Castellani Consortem, Tuam verò  
Amitam, desideratissimo cum Marchione affinitas, ut qui vivis artissi-  
mo Consanguinitatis jure junctum, Te sibi gaudebat, Orbis Poloni super  
fatis Magni Senatoris, Musarum nostrarum super obitu primi Fundatoris  
sui & Mecœnatis singularissimi, effusi in paginam dolores, Celissimo Tuo  
sub Nomine, ad posteram seculorum memoriam prodirent. Nihil demum eo  
videbatur convenientius, quam ut testes magnorum de Patria & Ecclesia  
defuncti Castellani meritorum pagina, sub Celissimi Tui Nominis purpu-  
rato splendore, publicam sibi vendicarent lucem, illius utpote Principis,  
qui profuso in pompam Funebralem auro, affinem Tibi Marchionem ipsis  
velles vindicare à fati. Tua profectò Princeps Celissime liberali pieta-  
te, Tuis quibus minimè parvis sumptibus, magnis invidas Nominibus con-  
fundis Parcas, istud ad præsens agens, ut dum sibi Magnos Heroas sustulisse  
ex Orbe blandiuntur, sinapi mordeant & livore tabescant, quando etiamum  
bras illorum, inter splendidos funerum actus illustres vident, & feræles tu-  
mulos meritissimis Heroibus, in perennia nunquam moritura gloria monu-  
menta assurgere mirantur. Ita prorsus discit Tuo ab exemplo Orbis, quod



extinctis gelida morte corporibus, lustrum animarum minime frigescent amores, imò quod præcelsi cognata derivata per fœdera sanguinis calor, inter exsanguia sepulchralium monumentorum marmora, inter stori in exhibendis officiis ferveat æstu. Egisti tu profecto PRINCEPS, quo laudatissimam Aribemisia in suum Mauzolum amulareris & æquare pietatem. Egisti singulari amore, curâ, impensis, ut gloriosissimi Senatoris funera dignis tanto Nomine splendoribus & rhadis, Poloni in facie Orbis collucescerent. Egisti, ut iusta Illustrissimi Castellani Parentalia pro meritis inter Szaniensis Eremitas umbras refulgerent honoribus. Egisti ut Magni Marchionis manes splendido conderentur Mauzoleo. Tuam PRINCEPS operam, laudatissimamq; impendisti amorem, ut alto letus è sidere suo spectaret Marchio funera. Tuus Ducalis Pogonia tot Magnorum Lithuania Ducum, tot Polonia Regum gestator, Marchionales, Mantuanis derivatas à Ducibus, tot demum Principum & Imperatorum affines Aquilas, ceu Phœnices suis è cineribus in basilicum funebris scena deduxit theatrum, & desideratissimas volucres inter ipsos mortis apparatus Regali Polonia Aliti statuit redivivus. Scena hæc funebris pompa, Te ipso PRINCEPS. Celsissime Authore agitur, amplissimum gloria Tuæ, quâ Polonum impleris & implet Orbem, aggredi non audeo theatrum. Solutos Tibi pagina hæc elegos deferat non elogia, quibus ut pro Nominis celsitudine etiam maximis altior, sic pro eximiarum virtutum, dorum, qualitatum, summorumq; tam de Patria, quàm Ecclesia DEI meritorum magnitudine, omnibus es Superior. Notus es Princeps, non tantum Patrio, sed toti Europeo Orbi, ab augusti Generis Tui claritudine. Notus à cognato Principum Solijs, Regum thronis, imò augustissimis quoq; Orientis & Occidentis Imperatorum Majestatibus sanguine. Nota est Ducalis Genesis Tua Regnis & Gentibus, non minus quam solis cubilia; nota præcellentissima Sceptus & Imperio dignæ virtutes, non minus ut omnibus viventibus solis radij. Optime posses o PRINCEPS scribi, si Tuo Te calamo scribi velles: Scribent Te verò, scribent eximias actiones, scribent clarissima Tua opera sublimiores pennæ, & digniores calami, totis fastis, totis voluminibus. Habebis Supreme M.D. Lith: Venator, certissima immortalis aucupia gloria, pro qua continuis laudatissimæ Tuæ in terris vitæ studiis, conatibus, ipsisq; operibus allaboras. Sola hæc pietas, qua in Cognatum effusissimum Nomen, clarissimo gestis, meritis, & virtutibus Senatori, iusta persolvit Parentalia, Celsissimo Nomini Tuo laudem famamq; perennem reddet, non precariâ. Gestigentibus & plaudentibus ab alto Olympi culmine Marchionalibus defuncti Fundatoris Nostri Aquilis, decurres PRINCEPS Celsissime amplissima primorum in Orde Lechico honorum Olympia, ibis per summa fascium & Curulium Regni fastigia, purpuratosq; dignitatum apices. Academica verò Pinczovienses Musæ lugubri pennâ Myskovio Marchioni & Castellano Fundatori suo primo, Mecænati Singularissimo intime obsequentes, Nomen Tuum beneficium mori vetabunt; Ego officiosissimos ab Academia dolores Celsitudini Vestræ deferens, Celsitudinem Vestram cum tota Celsissima Domo non solum diu incolumem, sed etiam immortalem in terris opto

CELSITUDINIS VESTRÆ

Infimus Clienſ A. O.





# MENSURA DOLORIS.

Ex quantitate  
magnorum de Republica & Ecclesiâ meritōrū

## DESUMPTA.

**I**ndividuus amoris Comes Dolor,  
non tam ex interna passionum Corporis permissione,  
quàm ex grata rectefactorum memoria  
mensuram lacrymarum desumens,  
eò acerbiores sibi accidisse cruciatum judicat,

Quò diligentius  
meritorum syllabum

ad numerum revocat pleniorē.

Innatant profundo luctûs Oceano oculi,  
crescit gravior in pectore angor  
ad accrescentem bonorum Auxesim,  
quæ toties justam doloris exigunt mensuram,  
quoties illorum continua in rebus agendis  
recolitur Quantitas.



## Nec immerito:

Quisquis exambit doloris nosse magnitudinem,  
mensuret meritorum in ante quantitatem  
& mox coæquatam luctûs, cum rectefactis  
proportionem advertet.

*Ex umbris metiri Corpora sæpius falli est,  
quæ se aliquando majores, aliquando minores  
his à quibus projiciuntur fingunt;*

Qui tamen scitè dolorem elicit,  
absq; errore

Quantus fuerit & esse debeat mensurabit,  
Si gratissimam sibi olim boni amissi præsentiam.  
Cum absentia ejus

Velut cum umbra contulerit:

Videbitq; nec utrumq; se excedere, nec unum excedi ab altero.

Tantò plerumq; atrocius affligitur animus  
quantò sincerius id quò spoliatur diligebat,  
eò molestiùs in se assumit tædium,  
quò olim jucundiùs nanciscebatur delictum.

Habent hoc heroicæ Magnorum Virorum animæ,  
ut quantò dulciùs meritîs Patriam orrent,  
tantò crudeliùs eandem torqueant,  
absentiâ suâ diutiùs contristent,  
Vulnus cordibus lethale infligant:

Quod toties novo recrudescent sanguine,  
quoties incorruptus eorum erga bonum publicum candor  
venit animo revolvendus.

Quò major in mentem meritorum revocatur numerus,  
eò major doloris crescit multiplicatio,

Ita sanè:

ut ex quantitate rectefactorum  
justa semper doloris derivetur mensura.

Hanc qui expandere exambit,  
sumat normam mæroris,



ex debita meritorum extensione,  
ILLUSTRISSIMI olim ac EXCELLENTISSIMI DOMINI  
D. JOSEPHI GONZAGÆ  
MARCHIONIS IN MIROW  
MYSZKOWSKI,  
CASTELLANI SANDOMIRIENSIS,  
Coloniæ Pinczoviensis munificentissimi  
FUNDATORIS.

Vixit Senator hic dignissimus non annis sed factis,

Qui

sicut meritâ suâ capacissimas excessit mentes,  
ita acerbiores in cordibus omnium reliquit singulis.

Erat Ille Senatûs os & corculum

unde lacrymas poscit,

quæ vocis semper pondera habent:

& dum Roseam deposuit Purpuram

spinas luctuum reliquit in puncturas.

Quantum Ille merebatur, tantum mærendum est,

quantum amabatur, tantum dolendum

& quantum superstes pro bono Sarmatico egit,

tantum ad præsens Sarmaticus contristetur Orbis.

Fuit Ille Reipublicæ delictum,

Regni firmissimum tutamen,

Mularum amantissimus Pater,

Hinc:

*dum è Senatoria Curuli ad tumulum transportatur,*

Hoc ipso

Animos Procerum in mæsticiam,

Corda Herodum in dolorem,

Coloniâ Pinczoviensem

uberrimas resolvit in lacrymas.

Lugubre fert penna Elogium,



disertus præ fati acerbitate in luctibus mergitur dolor,  
dum hujus Fundatoris sui computat actus,  
Quem Trabæis innutrita virtus sic docuit vivere,  
ut terris creptus deplorari meruerit,  
& perennantibus planctibus tumulari.

Meretur hic Senator Illustrissimus  
ut marentium oculi in Ponto mergantur lacrymarum,  
qui toties naufragam Poloniam  
sui adminiculo Consilij fecit enatare.  
Meretur mensuram doloris ex meritorum suorum numero,  
Quem vera in DEUM Pietas,  
fervens in Patriam amor,  
larga in egenos munificentia,  
ita Lechico commendavit Orbi;  
ut ab ipso corde  
*prorumpentibus defleri debeat gemitibus.*

Et bene:

Pridem pridem, MYSZKOVIANÆ hoc est congenitum Domui,  
ut emeriti, Illius Prosapiae Viri,  
*non prius occidant*  
*ni luctuoso æquori immergantur,*  
non fatis prius cadant, quàm lacrymis.

Heroica Illorum opera quoties attenta recoluntur mente  
toties Orbem totum ad stuporem,  
animos Civium ad continuos vocant singultus.

Gemit hucusq; Patria Virum perennaturis inscriptum fastis

**JOANNEM MYSZKOVIVM**  
intimū CASIMIRI III. Regis Poloniarū Ephestionē  
à Quo

Prima Pervetustæ Domûs procedit origo,  
De cujus bono amisso tantum dolet,  
quantum habuit solatij de Possesso.

Virentem Ille adhuc annorum suorum palmam  
triumphalibus Martis adjunxit laureis,

inter



inter Martiales ignes tantum enituit,  
quantum splendor Gloriæ ejus exposcebat.  
Magnus Nomine in Orbe Polono, meritis major

**J O A N N E S,**

in hoc tantum forti benignæ injurius fuit,  
quod honoribus locum apud se non concesserit;  
mereri maluit titulos quam habere,  
quosq; meritis obtinere potuit,

hos Charissimæ Soboli  
**SIGISMUNDO & PETRO**

Germanis inter se Fratribus  
capessendos reliquit.

Qui

sublatô è vivis Dignissimo suo Genitore  
tantum meritis ac famâ inclaruere,  
ut Illustrissimi de Illis certarent honores.  
Meruit primas PETRUS gratias ac favores

*sub*

**S I G I S M U N D O II.**

**P O L O N I A R U M R E G E,**

qui in Pro-Cancellarium Regni electus  
Vir Consiliorum ab Eodem proclamaretur.

Signatorium ita gessit annulum;

ut & Regnum felicitati,

& suum Nomen æternitati desponsaret.

Quidquid dixit gemmeum, quidquid fecit  
perennaturi id annotaverunt fasti.

Certavit de Ipso Płocensis, dein Cracovien: Tyara

Et utraq;

Maximorum honorum capacem cinxit verticem,

Auxit Purpuræ splendorem PRÆSUL ILLUSTRISSIMUS,

**C**

quia



quia illam vivis in se virtutum coloribus  
adumbravit.

VIGILANTISSIMUS DIÆCESIS CRACOVIEŒSIS

P A S T O R,

quantum pro Gloria DEI laboraverit,  
quantum pro reparandis Templis  
operæ & æris impenderit,  
quantò pro extirpandis Hæresum monstris  
zelò certaverit:

Vidit Orthodoxa Religio, vidit Pinczovia  
tunc vel maximè:

quando bonorum Illius Hæres ac Possessor factus,  
Inferos Fidei Catholicæ Arianos & Schismaticos  
de medio Oppidi ejus eiecit, propulsavit;  
pollutam Ecclesiam reconciliavit,  
& Sacram D. PAULI primi Eremitæ Familiam  
ab Hæreticis expulsum  
loco suo restituit & fixit.

*Virgam Pastoralis directionis Ejus videre, idem erat  
ac virgam vigilantem spectare;*

quæ pomposius quàm Ægyptiorum Sceptum eminebat,  
Ejus providentiæ oculo manens insignita.  
Arcopagum Justitiæ illius, ipsæ venerabantur virtutes,  
vitia formidabant;

& cum detestandis metuendus fuerit sceleribus,  
Nulli non amabilis visus:

Procul à Præsule Hoc omnis arrogantia,  
procul fastuosæ mentis elatio,  
animi perversi dolus à longe,

omnibus se affabilem, omnibus accessibilem præbens.

Pari animi præstantia, ac morum gravitate,  
cum suo Polluce certavit Castor

SIGIS.



**SIGISMUNDUS**  
**CAPITANEUS OSWIECIMENSIS**

Vir omni Authoritate Major,

Qui

quantum pro bono Patriæ tulit & alsit,  
facta ejus loquuntur.

Ardebat totus erga illam inextincto amoris zelo,  
unius ratus esse præcepti honorare Patrem,  
& Patriam.

Inter Ferreos enses probavit caput aurum esse optimum,  
quod vel lideo Galea militari textit,  
ut haberet quò captivam ejus redimeret libertatem,  
quam ne omni destitutam præsidio redderet,

Trismegistum agere visus,

*dum Ternionem Filiorum*

illi in subsidium reliquit,

**PETRUM, SIGISMUNDUM,**  
**ALEXANDRUM**  
**MYSZKOVIOS.**

ALEXANDER Verus Polonæ Gentis Macedo,  
animò fortis, periculis imperterritus,  
hostibus terribilis, in expediendis negotiis  
Reipublicæ gloriosus;

Qui

tractato in se generoso antiquioris ALEXANDRI Spiritu  
novum se Orbis Poloni Philippidam probavit.

**P E T R U S**

**PALATINUS RAVENSIS,**  
**CAPITANEUS CHECINENSIS**

ut famâ, ita meritâ vocalissimus,  
quantitatem meritorum à Majoribus sumens  
auxit Domûs suæ Decorem,



Qui  
primos vel exinde meretur titulos,  
quòd Primus Ordinationis Pinczoviensis FUNDATOR,  
in angularem toti Marchionatui lapidem abierit.  
Adamantium Reipublicæ fulcrum PETRVS erat,  
& simul ipse adamas,  
ex eo multum æstimabilis,  
quod Regum Coronis,  
in decus & insigne ornamentum cesserit.

Affurgit immortalis Gloriæ Obeliscus  
**SIGISMUNDO**  
CASTELLANO WOYNICENSI

*mox*

SVPREMO REGNI MARESCHALCO  
secundo Marchionatûs  
INSTITUTORI

Qui Sarmatiam totam  
ne adversis quassata hostium ictibus corrueret,  
Atlanticis suffulcit lacertis.

Firmissimum ex illo Patria præsidium habuit,  
& ut quondam Trojanis Pergama tutamen;  
sic Poloniæ illius invicta fortitudo

Arx inexpugnabilis erat.  
Monstravit suæ dexteritatis documenta  
Hic Polonus Alcides;

*dum Regnante*

**SIGISMUNDO III.**

Domesticum inter Cives oriretur prælium,  
fraternorumq; odiorum inter Polonos accenderetur flamma,  
Ille novo prodigio, flammis amoris, odiorum extinxit ignes,  
acerbos Confederatæ Gentis mitigavit furores,  
rebelles animos sermonis gratiâ delinivit.

Non sanguinem sed verba fudit,  
ut novô victoriæ modò gloriosus triumpharet.

Vidit



Vidit magnanimi hujus Herois in rebus agendis prudentiam  
Lechici Orbis pupilla SIGISMUNDUS III.

Poloniarum Monarcha,

idcirco illi Legationis munus in Italiam contulit,  
quo functus, ita Hybleâ suâ svadâ

C L E M E N T I S VIII.

S U M M I P O N T I F I C I S

ad vota sua inflexit animum,  
tantum sibi in Corde Illius conciliavit amorem,  
ut ab Illo Marchio creari mereretur.

*Fabula est, Herculem Gallicanum populorum corda  
aureis compedibus vincta in sui  
arbitrium duxisse;*

Ille

ita omnium Procerum devicit corda.,  
*ut etiam* SERENISSIMUM GONZAGAM  
M A N T U Æ D U C E M,

ad sui traxerit æstimationem;  
cujus cordi tantum adhæsit,  
quantum Epaminondæ Lysias, aut Agamemnoni Nestor.  
Novit illum PRINCEPS hic cordis sui delictum esse,

Quem ut propius admoveret,  
in arrham majoris suæ propensionis  
GONZAGARUM Nomine

Ducalisq; suæ Prosapiæ Insignijs  
unâ cum Successoribus

Polonum donavit, & ornavit Mercurium.

Verum: si fortes creantur fortibus,  
si ex Macedonibus magni nascuntur ALEXANDRI,

Ita,

ex Mareschalco Regni Herodæ Patre  
prodiit Herodâ Proles.

D

JOAN-



JOANNES. FERDINANDUS  
CAPITANEUS GRODECENSIS,  
VLADISLAUS,  
PALATINUS SANDOMIRIENSIS.

Qui pro fide & Regno, pro Jove & Patria,  
publica pericula in se transferentes,  
tantum meritis florere,

quantum Illis ad perennis gloriæ memoriam sufficeret.

JOANNES GONZAGA  
SUCCAMERARIUS BELZENSIS,

Ipse sibi ad millena encomia vox,  
qui ut Patriæ gratus adfuit,  
ita adverso Marti Achillis hasta metuendus.

FERDINANDUS GONZAGA

*MARCHIO IN MIROW*

CAPITANEUS GRODECENSIS,

non ferrea, sed aurea toti Poloniae tulit momenta,  
quam ab æstu Othomanici furoris defendens,  
in subsidium illius notabilem militum manum  
proprijs sustinuit stipendijs

MUNIFICENTISSIMUS MECÆNAS,

Hanc, quā justo labore congregavit fortunam,  
in opem egenorum transfudit,  
maximum se habere ratus thesaurum,  
in manibus Indigentium.

Gaudet Miroviciensis Basilica, prope Pinczoviam sita,

quod Illius manibus à fundamentis erecta steterit,

quam non tantum Altaribus ornavit,

ast & pretiosā ditavit suppellectili.

Hanc meritorum & boni communis in se expressit Idæam

Vir nullis lacrymis satis deplorandus



ILLUSTRISSIMUS ac EXCELLENTISSIMUS DNUS  
D.VLADISLAUS GONZAGA

MARCHIO IN MIROW

MYSZKOWSKI,  
PALATINUS SANDOMIRIENSIS.

Qui ut Fraternalium Bonorum Haeres,  
ita verus virtutis Illius extitit Possessor.

Quidquid in Congressu Purpuratorum Virorum locutus,  
*condi poscebat in paginas,*

SENATOR EMERITISSIMUS

Eâ mentis magnitudine, prudentia, virtute,

Purpuram suam exornavit,

quâ optimum quemvis decet clarere SENATOREM.

Nuntius ad Generalia Regni Comitia,

tantum animi sui prudentiâ

ac eloquij Majestate effecit;

quantum sibi Scipiones vel Tullij efficere potuissent.

*Fundeat verior Isocrates mellitam ab ore Hyblam,*

*& sic Attica dicendi ubertate,*

Civium emollivit animos,

ut eos in partem, sensumq; boni publici inclinasset.

Quoties pro bono Communi facundo peroravit ore,

toties verborum gemmis

inopem locupletavit Poloniam.

Apparuit in Curia Consus, in acie CODRUS,

in cordis puritate crystallus,

sed crystallus illa,

quæ corda Civium ad boni ac honesti accendit amorem.

Habuit ingens ex Illo Patria solatium,

Senatus Gloriam & Honorem,

Ecclesia firmum Præsidium,

Qui cum steriliter decessisset



Devolutus tam honoris,quàm meritorum gradus  
in Collaterales MYSZKOVIOS,

Ex quibus,

Primus nobis adorandus venit,  
*ILLUSTRISSIMUS ac EXCELLENTISSIMUS DNUS*

D. PETRUS GONZAGA

*MARCHIO IN MIROW*

MYSZKOWSKI,

CASTELLANUS LUBLINENSIS,

*Illustrissimi Castellani Sandomiriensis*

DIGNISSIMUS PROAVUS,

Vir omni probitate, meritîs, tam in Russia,  
quàm in Orbe Polono Insignis,

Cui

Nulla unquam à teneris gratior indulgentia erat,

quàm ad Aras,

nullum jucundius solamen,

piarum amaritudine lacrymarum.

Pietatem ita à primævo ætatis suæ vere coluit,  
ut illam cum lacte quasi Materno suxisse videretur.

Arduis Reipublicæ intentus negotijs,

quamcunq; in se functionem suscepit,

Eandem semper ex asse expedivit.

Aheneus Poloniæ murus PETRUS erat;

nam quoties adversis hostium oppugnabatur viribûs,

toties pro bono illius imperfractus ad portas

stetit Annibal.

Fortior semper pro Domo ejus pugnavit Anthæus,  
plumbeam grandinem quam suo Clypeo excepit,

hanc in hostes majori retudit impetu,

Immota contra quosvis hostiles insultus erat Petra PETRUS,

cui



cui firmiter allisa, toties bellorum procellis commota  
Reipublicæ nunquam periit Navis.  
Domandi erant ferales hostium ictus,  
uniendi discordes Civium animi,  
Salus Reipublicæ in integro servanda,  
domavit, univit, depressit,  
omnibus adversis ipsò fortior apparens Caucasô.

Non minùs gloriæ, quàm meritorum tulit Sarmatiæ

*ILLUSTRISSIMUS DOMINUS,*  
**JOANNES GONZAGA**  
*MARCHIO IN MIROW*

**MYSZKOWSKI,**  
CAPITANEUS TYSZOWIENSIS,  
*Illustrissimi Castellani Sandomiriensis*  
**DILECTISSIMUS AVUS,**

*Cujus*  
si ingentem spectes animum,  
dic creatum à virtute Gygantem,  
si heroicæ prodigia vis lustrare mentis,  
Achillem, Dijs esse genitum proba.  
Non novum erat huic Herculi Polono  
castra in carceres, vincula in ferta commutare,  
qui se luctanti triumpho amarum fecit,  
dum armatum.

Non potuit luculentiùs ditare Patriam,  
quàm dum pro ejus promovendo bono & commodo,  
totam omni pretiosiore aurò vitam impenderet;  
Illius Martio spiritu Lechia vixit,  
& quoties illi ultima ad vitam deerant remedia,  
se ipsum pro salute ipsius hiantibus mille periculorū voraginibus  
inijciebat Curtium.

E

Invi-



Inviçto hùic Heroi, nulla occurrit gravitas,  
quam fortiori non vinceret animò,  
nulla se objecit Martis inimici potentia,  
quam dextrè non fregerit,  
contra minas hostium ferreus,  
contra impetus adamantinus,  
contra sinistros fortunæ casus animosus & audax:  
Quo passu ad quantitatem Heroicæ devenit virtutis

J O A N N E S,

*Eodem ad omnem perfectionis properavit gradum*

ILLUSTRISSIMUS ac EXCELLENTISSIMUS DNUS  
D.FRANCISCUS GONZAGA

*MARCHIO IN MIROW*

MYSZKOWSKI,

CASTELLANUS BEŁZENSIS,

*Charissimus Castellani Sandomiriensis Genitor,*

Qui

Gloriosissimis Prædecessorum suorum inhærendo vestigijs,

hoc famæ immortalis adiit punctum,

ut nihil in eo elatum, nil in moribus devium,

sed omnia in medio consistentia,

& ad formam probitatis redacta,

humanus observaret oculus.

Nil unquam Patriæ erat amabilius

Virò hòc:

nil ad lætitiâ utilius, nil ad gloriam majus.

Quoties pro integritate illius cum hoste prælia inivit,

toties semper Victor, nunquam victus

ex arena secessit Gradivi.

Amans Patriæ Filius,

iussa Matris suæ gloriosè absolvit.

Posce-



Poscebat quando Patria fulciri libertas,  
Ille fortem supposuit lacertum,  
requirebat Tripodem Senatus,  
Ille proficua dabat oracula,

egebat ingruente periculorum tempestate protectore Clypeo,  
Adfuit Ille extremis Fabius, spes ultima rebus.

Fidelissimus boni publici Custos,  
Ne commune in præceps quando rueret bonum,  
fluctuantium sensus in rectitudine mentis  
firmavit, solidavit.

Legatus ad Comitia Palatinatûs electus,  
illas ab ore spargebat rosas,  
quæ odorem virtuti, spinas sceleri inferre solent.  
Quivis vocis ejus accentus, ita omnium demulcebat aures,  
ut singulorum animos ad bonum inflecteret.

FRANCISCI Seraphici insignitus nomine,  
illô zelô pietatis erga Superos,  
illâ veri amoris in Patriam ardebat flammâ,  
quâ nec Flamminius quondam inter æstus exarserat præliares.

Totum se publico devovit commodo,  
quod ita prudenti consilio, & non fucato absolvit amore,  
prout optimum decuit Civem.

Eandem virtutis in se assumpsit mensuram,  
dilectissima sui Mariti Consors,

ILLUSTRISSIMA ac EXCELLENTISSIMA DOMINA,  
D. ANASTASIA SARBIEIOWSKA  
PALATINI MAZOVIAE FILIA,

*Illustrissimi Fundatoris Genitrix,*

Quæ

uti meritorum ita & virtutû quantitatē suis ampliavit dotibus,  
Eluxit in animo ejus omnis sinceritatis candor,  
Erga DEUM inextinctus amoris ignis,  
in mente prudentia, in ore affabilitas,  
erga miseros clementia & bonitas,



omnesq; in illa virtutes, velut sidera dum suo mergitur  
Ponto Tytan enituêre.

Gemma hæc omnî pretiô carens,  
*postquam innatis dotibûs. & virtutum fulgoribûs*  
*Polonum illuminavit Orbem, Cœlesti inserta Coronæ.*

Hâc de Concha  
prodiêre inæstimabiles Regni uniones,  
**STANISLAUS & JOSEPHUS**  
**MYSZKOVII**

Viri omnî encomiô digni.  
**STANISLAUS**

Ipsè sibi laus & sufficientissima Panegyris;  
Qui ad maxima Peraugustæ Domûs suæ decora natus,  
ut suam melius monibûs expolijsset juventam,

Exteras petijt nationes;  
Noluit domesticis immorari laribus,  
alium sibi quærere elegit Orbem.  
quem Polona non comprehendit Macedonia.

Non suffecit illi Patrius ager,  
herbas in Coronam ferre triumphalem,  
inter candida heroico passu Galliæ ivit lilia;  
à quibus tantam morum ac probitatis assumpsit fragrantiam,  
ut etiam Redux, languidos Patriæ reficeret sensus.

Judex Tribunalis Regni Deputatus  
docuit suo posteros exemplo,  
quomodo Astreæ Heccatumbe immolanda.  
Candidum virtutis pallium si quando induunt vitia,  
coram Illo non semel erubescere cgebantur,  
qui potius nudam maluit spectare veritatem,  
quàm vestitum purpurâ scelus.

*ad hunc locum* Fugie.



Fugiebat procul omnem corruptionis umbram,  
ne lucidam obumbraret virtutem.

Recti honestiq; Cultor,  
nullo censu opulentior esse videbatur,  
nisi animi, nulla dote præstantior quam virtutum.  
Illa semper maturitate iudicii ac prudentia polluit,  
quæ graves Catones & Fabios decet.

Plura Vir hic meretur encomia,  
verùm gloriosi illius tam pro Aris,  
quàm focis expediti actus,  
excedunt numerum Oratorium;

Cujus innumera merita, infinitæ virtutes,  
debitam mensurâ doloris, non Panegyrim polcunt.

Quanta maioris crescit materies ex obitu huius Eminentis Viri,  
longè major sumenda venit ex quantitate meritorum,  
ILLUSTRISSIMI olim ac EXCELLENTISSIMI DNI

D. JOSEPHI GONZAGÆ

MARCHIONIS IN MIROW

MYSZKOWSKI,

CASTELLANI SANDOMIRIENSIS;

*Cujus egregia facta dum calamus mistâ cum lacrymis  
sepia exarat, animum in mœrorem,  
cor in graves provocat singultus.*

Meretur tributum oculorum mortuus,  
qui vivus cordium merebatur.

Crevit Ille magnis in Republica mentis, diutius,  
etiam longum in seram posteritatem requirit luctum,

Qualis quantusq; fuerit JOSEPHUS,  
ipfi Eum Heroici actus Polono declarant Orbi,

Cujus Gloriæ Majestas,  
etiam inter conticinia fatorum vel inde vocalis,  
quòd eam noverit propriis in immensum extendere factis.



In prima statim ætatis aurora,  
optima in Illo excelsarum virtutum eluxit Indoles,  
tam certò exposit expleta;  
quàm non falsò ante præsignata.  
*Adbuc illum angusta Lucina, angustis stringebat fasciis;*  
*& jam amplitudine gloriæ, Lechicum implevit Orbem.*  
Nondum in Eo supra prætextam creverunt humeri,  
& jam Patria suum fore ominabatur  
Atlantem.

Morum illius maturitas,  
& annorum teneritudo,  
quædam antiteta in omnium formabat oculis,  
Juvenẽ videbant Julũ, & jam grandævũ venerabantur Catonẽ.

In cera juventutis suæ  
boni Viri expressit effigiem,  
sciens perbelle:  
minùs utilem esse juventæ ceram,  
sine dulciori probitatis favo.  
Virtutum potiore numero quàm annorum accrescens

**J O S E P H U S,**

*hoc meruit tenerior, quò rarò donantur adulti.*  
Crevit cum Illo indoles ætate major,  
quæ illustrissimís semel accensa cerís,  
flagrabat semper illustrioribus occupari.

Idcirco  
ab Oceano alti Sanguinis  
ad fontes properavit Sapientiæ,  
quos vel ideo haurire voluit,  
*ut eosdem uberius publico commodo propinaret.*  
Primum Illi & maximum proficiendi  
auspiciũ fuit  
*coram Supremo imminui Numine,*

*piisq;*



piisq; in Superos affectibus ferri,  
Quos ita devoto corde coluit,  
ut Eos omni præponeret studio.  
Vix Palladis eruditam ingressus arenam,  
illicò Gentilitiâ suâ Soleâ  
gloriosa illi famæ impressit vestigia:  
dum ita prima, literarum elementa percepit,  
acsi illorum elementatum foret.

Nullus illi tam difficilis Gordius occurrit nodus,  
quem ut alter Macedo,  
ingenii sui non dissolvisset mucrone.

Ea animi facilitate percepit, literas,  
acsi illi congenitæ essent.

Arena literaria multis sæpe sterilis,

*illi opimam gloriæ & honoris tulit messem,  
quia eam sudoribus melior irrigavit Colonus.*

Sedulò Palladis Olympia decurrens Athleta,  
illam sapientiæ partem enixo assecutus studio,  
quæ salutarem Patriæ Civem,  
& prudentissimum Senatorem,

in normam & exemplum cæterorum redderet.

Post expeditos in arena literaria Cursus  
Martialis Polonum Scipiadam provocavit acies,  
in qua toties Victor evasit,  
quoties cum hostibus luctator stetit.

Vidit Illum Polonia fortissimum sui Achillem,  
pro cuius integritate ita certavit,  
ut solus maxima subire discrimina vellet,  
ne illa subiret minimum.

*Audax omnia perpeti;*  
ruebat in pericula animosior,  
sternebat hostem dexterior,  
palmas colligebat cæteris gloriosior.



Ut rebellibus inimicorum turmis certatim inferret cladem,  
& vitam suam & fortunam magnis objecit dispendiis.

Tot laureis redimitus Heros,  
tot palmis insignis Miles,  
post triumphales ignes  
ad Hymenæi dum convolavit thædas,  
**CELSISSIMAM, ILLUSTRISSIMAM**  
&

**EXCELLENTISSIMAM DOMINAM**  
**D. de DUCIBUS CZARTORYSCIIS**  
**H E L E N A M,**

**CELSISSIMI PRINCIPIS**  
**ILLUSTRISSIMI olim & EXCELLENTISSIMI DNI,**  
**D. J O S E P H I**

**DUCIS IN KLEWAN, KOREC & OLEXIENIEC**  
**CZARTORYSKI,**

**Magni Ducatus Lithuaniae**  
**V E X I L L I F E R I,**  
**Viri de Republica & Ecclesia Emeritissimi,**

*Germanam Sororem in vitæ & thori Sociam assumpsit,*  
Cujus laudes & encomia ad calculum revocare,  
non brevis momenti, sed grande sæculorum esset negotium.

Innuere satis esto:  
in ea natam esse Domo,  
*in qua Regum Sceptra, Senatorum Purpure, Ducum Clave,*  
*Mareschalcorum Scipiones, Præsulum Tyara,*  
*suum posuere domicilium.*

Inter Connubiales thædas  
animosus Hector **MYSZKOVIVS,**  
nullum Bellonæ divortium indixit.

Semper



Semper ardentem Gradivi flammam magnanimo ferebat pectore,  
ut triumphales Orbi Lechico  
accenderet Rogos.

Nec minus ingenio, quam manu fortis,  
ubi arma posuit,

Consiliis Patriam juvare non desijt.  
Ad Generalia Regni Comitia Legatus,  
optimi Civis gerebat nomen, dum pro  
bono Patriæ diserto perorare ore.  
Pretiosas animi Ejus dotes æstimans

*olim*

SERENISSIMUS ac INVICTISSIMUS  
AUGUSTUS II.  
POLONIARUM REX,  
Magni Viri,

*Emeritam virtutem Senatorii ornavit Purpuram,  
quam vix in se assumpsit,*

illico majoribus in Republica meritis inclaruit.

Certavit semper pro publico bono fortius,  
disertissimum toties Arpinatem egit,

quoties ingentia Poloniæ poscebant negotia.

DIGNISSIMUS SENATOR,

Bona Consilia animam esse noverat Reipublicæ,  
his continuo intentus,

*tam in publico, quam in privato, oracula consiliorum pandens,  
languentem animavit Patriam, & placidæ restituit quieti.*

Quoties in Senatu locutus:

toties Eum Polonus Orbis redivivum esse Tullum autumabat.

Lechica libertas defensore

JOSEPHO

nunquam servitutem passa,

captivam se tamen toties libentissimè voluit,

quoties inter aurea verborum Ejus vincula stetit.

G

Habu-



Habuit Senatus Polonus  
alterum in eo Coriphæum,  
pro cuius bono animam etiam divisisset,  
si dividi potuisset.  
Nulla Illi dies fuit sine linea virtutis,  
nullus mensis,  
qui plenitudinem non auxisset meritorum.  
Ubi frigidi Consultantium fuerunt animi,  
Hic Flamminium egit,  
ad saniores sensus Civium mentes inflammando.  
*Si largam Emeritissimi hujus de Republica Senatoris  
attentius speculabimur munificentiam,*  
*talis fuit, qualis Trajanos, aut Tytos ornabat.*  
Nemo ab Illo recessit, quin se beneficijs obæratum agnosceret,  
metere se gratitudinis herbas censuit,  
cum seminavit munera,  
congregare fortunam, cum eam dispensaret,  
fænerari, cum sine retributione donaret.  
Sunt memores Ejus beneficij tot Religiosi cœtus,  
quos sibi cumulatis in vita devicit & obligavit favoribûs.  
Testatur Ejus munificentiam  
Szaniecensis PP. Cameldulensium Basilica,  
Cujus Gratosissimus Fundator,  
non tantum æris proprij impensis  
eandem à primis fundamentis erexit,  
pietatis tam ab intra quam ab extra condecoravit,  
splendida supellectili donavit,  
ast etiam sufficientibus proventibus ditavit,  
& larga dote cumulavit.

Matris Ecclesiæ  
DILECTISSIMUS FILIUS,  
Totam suam fortunam in honorem DEI,  
in Templorum ornamenta, in pauperes Religiosos,

in



in Xenodochia & egenos convertit Nobiles.  
Extollit sub sidera liberalitatem Ejus,  
tam Clarus Mons Czeſtochoviensis,  
quàm Młodzoviensis Ecclesia,  
à Cujus larga manu  
inſignis illis advenit decor.

*Inter hæc liberalitatis Mecanatis hujus documenta  
Eſt memor & erit in ævum munificentissimi ſui*

## F U N D A T O R I S.

Filia Almæ Matris Univerſitatis Cracoviensis  
Colonia Pinczoviensis,  
cujus inſigni ſumptu fundata.,  
Cenſibus proviſa

ex largo penu ſuarum gratiarum  
& dotem recepit & nomen.

Jam igitur

Pinczovienses Muſæ ex herba gratitudinis ſuæ,  
nectunt immortalis Gloriæ Coronam.

## M Y S Z K O V I O,

*pariter Fundatori ac Proteſtori ſuo obligatiſſimæ.*

*In nobilioribus Juventutis Academicæ Aſcanijs,  
vigebit memoria Fundatoris perennis,  
in his Narciffis munificum MYSZKOVIORUM  
ſemper reſtoreſcet Nomen.*

Efferent ſub Altra ſui Benefactoris famam  
tenuiores Sarmaticæ Aquilæ pulli,  
narrabuntq; omnibus coram Orbe ſæculis,  
quod MYSZKOVIANUS Accipiter,  
illorum Patrem gellerit,  
quod ſub alis Protectionis ſuæ conſervârit.  
Jam pridem Scholaſtici calami



GRATIOSISSIMUM JOSEPHUM,

immortalibus inscripsere fastis,

Pinczovienses Musæ

munificentiam Ejus & patrocinium.,

tunc nonnisi scribere & deprædicare desinent,

quando desinet & Orbis.

Cum autem summus esset literatorum Amor.

JOSEPHUS,

omnibus etiam affabilis, omnibus gratiofus fuit.

Quos Jove, aut Apolline natos novit,

eos suæ adscivit Aulæ,

quos iniqua sorte depressos advertit,

hos munifica erexit manu,

Nobilium Patronus, Literatorum Pater,

Patriæ & Ecclesiæ optimus Civis.

*Scriberet ampliora FUNDATORI suo elogia,*

*officiosissima penna.,*

*ni mæsta amissi recordatio,*

*lacrymas effunderet pro sepia.,*

Assurgeret altiùs in condignas Panegyres dignissimo Senatori

tenuior Oratoris Stylus,

ni ad lapidem sepulchralem offenderet.

Idcirco jam Ejus

*amplitudinem meritorum inter urnarum angustias non quærit,*

*sed in publico doloris consistens theatro,*

*scenam lugubrem agit.*

Enimverò:

Vixit Vir iste ad delictum Orbis,

fatis ereptus nil nisi lacrymas poscit,

& in omnium cordibus tumultum.

Magna Ejus in Rempublicam & Ecclesiam merita,

illam doloris exigunt mensuram,

quæ



quæ suarum quantitate virtutum exæquet.  
Nullius Ille vivens lacrymas habere voluit,  
mortuus, ex omnium oculis irriguas elicit.  
Vivere quidem desuit, non tamen deplorari,  
tempori, non perennantibus decessit lacrymis.

*Quantum ex præsentia sua solatis Reipublicæ causavit,  
tantum tristitiæ reliquit decedendo.*

Extendit in ante famam meritis, gloriam factis,  
etiam nunc in immensum defferi debet.

Premittitur graviore dolore cor,

dum videt,

quod quantitas meritorum Magni Senatoris  
communi fatorum termino copuletur.

*Utinam ad vota omnium vixisset diutius sine exitu vitæ;  
quam semper optima agenda, beneficia largiendo inchoabat.*

Minor doloris fuisset acerbitas,

si minus amari potuisset, quam Eum amârunt omnes,

Plura Ille pro Patria, pro Cælo egit,

quàm humanis possit deplorari lacrymis.

Quotquot heroicos reliquit actus, tot dolores;

*Plangit suum Patria Patrem, deflet Religio Defensorem,*

*Senatorem Curia, Vindicem libertas, pupilli Tutorem,*

Pallas Academica

MUNIFICENTISSIMUM FUNDATOREM.

Pinczovientes Camænæ vasto oppressæ gemitu,

lugubres intonant nœnias,

dum illum Mecænatem arctatum in urna vident,

quem in sui subsidium experiebantur Amplissimum.

*Amanum illis erat Eo superstite festiva occinere Acroamata,*

*nunc ad Sarcophagum Ejus atrociori dolore,*

*plena Amystide, propinatos sibi à fati*

*hauriunt singultus.*

Devolvitur hic ingens dolor,

H

in



in Te principaliter  
CELSISSIME PRINCEPS,  
ILLUSTRISSE & EXCELLENTISSE DOMINE,  
D. A D A M E

*In Liptow & Orawa de Komorow*

KOMOROWSKI,

Dei & Apostolicæ Sedis Gratiâ  
ARCHIEPISCOPE GNESNENSIS,  
Legate Nate, Regni Poloniae & M. D. Lithu:

P R I M A S

primeq; Princeps, Abbas Tynecensis,  
Aquilæ albæ Eques.

dignissimi sui Avunculi MYSZKOVII olim amabile corculum  
& dexter ocelle;

Non potes toto non mæreere pectore,  
quoties Illum in feretrum mortis cecidisse recogitas,  
Cujus nuper in animo totus, in corde resedisti.  
Sub hoc Tu Patriæ Patre natam ad maxima quæq; indolem Tuâ  
privatis publicisq; studiis exercebas,  
illudq; Caput pulcherrimis gloriæ aptabas Coronamentis,  
quod dignum fuit Archi-Præsuleis decorari Tyaris.  
Vidit Te Ille moribus gravē, ingenio maturū, & ita Te dilexit,  
ut Possessorem sui cordis effecit.  
Et cum jam defunctus in Tuo dolenti vultu perennare animo,  
hoc Tibi suam ad urnam appendit Anathema,  
ut qui Celissimis in Orbe Lechico radias titulis,  
fulgeas quantocyus Eminentissimis.

Redundat & in Te pars doloris maxima.  
ILLUSTRISSE & EXCELLENTISSE DOMINE,  
D. CAROLE GONZAGA  
MARCHIO IN MIROW,  
de WIELOPOLSCII

MY,



**MYSZKOWSKI,**

Supreme Stabuli Regni Præfecte,

Minoris Poloniæ Generalis,

**CAPITANEE CRACOVIENSIS,**

Dignissime hujus Senatoris Successor.

Vivis in Te Gloria & Honor Ejus Marchionis, cui mori contigit,  
ex squalidis mortalitatis umbris illius honorem,

Tua gloriosa in Orbe Polono merita  
faciunt emicare.

Appretiavit Te multum superstes **JOSEPHUS,**

nunc ad mortalitatis suæ Exuvias,

in Archivo Cordis Tui locari cupit,

simulq; tam se, quam Musas Pinczovienses  
uti successivo **FUNDATORI**

Paternis Tuis reddit respectibus.

Ex quantitate Magnorum de Republica ac Ecclesia meritorum

**ILLUSTRISSIMI SENATORIS,**

sume justam doloris mensuram,

**CELSISSIME PRINCEPS**

**ILLUSTRISSIME & EXCELLENTISSIME DOMINE,**

**D. STANISLAE KOSTKA,**

**DUX IN KLEWAN, KOREC, & OLEXIENIEC**

**CZARTORYSKI,**

Supreme Regni Venator,

**CAPITANEE RADOSZYCENSIS,**

Emeritissimi Castellani dilectissime Nepos.

Vivis in Te **STANISLAO** etiam post fata

**JOSEPHUS,**

qui nunquam affectui Tuo mori voluit,

sic Te vivus adamavit Nepotem,

ut Tu mortuum in memori semper foveres corde:



Sortes suas in Tuas reddit manus,  
cui totum in ante devoverat animum.

Fuit Ille præstantissima olim  
cognati Tibi Sanguinis Gemma,  
nunc ad mortalitatis suæ tumbam  
gemitus & lacrymas poscit.

In magnanimitate Tua quâ in Orbe Sarmatico polles,  
suum defunctus posuit Columnen,  
dum clausit in æternam vitalia lumina noctem,

Sub Gentilitio Tuo POGONIA  
præsidium, & tranquillam sibi quærit quietem.

Et dum Illi hodie funebri cum pompa,  
Justa persolvis Parentalia,  
ad sepulchralem lapidem  
ultimum Tibi intonat vale:

& intimo fufas de corde apprecationes ingeminat,  
ut amplissimis in Orbe Polono clarus meritis

Illusterrimos possideas honores;

& quos Illi fata negârunt dies, hos sine numero  
in Te boni Superi protendant.

Inter hos publicos dolores, explicant suum maiorem  
amicis inclusum cordibus

**Celsissimæ, Illustrissimæ Colligatæ Domus,**

CZARTORYSCIURUM, WISNIOWIECCIORUM, KOMOROVIORUM,  
WIELOPOLSCIURUM, JORDANORUM, PONIATOWSCIURUM,  
HUMIECCIORUM, SARBIOWSCIURUM, BIEDZINSKIURUM,  
TOMICCIURUM, OGIENSKIURUM, BRONICCIURUM, PRZYLEC-  
CIORUM, TECZINIURUM, BRANICCIURUM, MAKOWIECCIORUM,

& millena alia in utraq; tam Majori quàm Minori Polonia,

Russia, primarum Familiarum Nomina,  
acerbiora conquerendo fata,

**MAGNI SENATORIS,**

Ad Sarcophagum Illius uberrimas lacrymas fundunt,  
& tantum dolent quantum superstitem amabant.

**Ex quantitate**

Magnorum de Republica & Ecclesia meritorum,

super defuncto CASTELLANO Dignissimo

justam doloris desumendo

**MENSURAM.**









